

2 TIMOTEO

Pablo Timoteore ôadoredea

1 ¹Yu Pablo murê ôadorea. Marîpu gâamederosûta Jesucristo yure beyepîdi âârîmî. Marîpu: “Jesucristore buremurâ yu merâ ôârô âârîrâkuma”, ârîdeare yure masakare buedoregu beyepîdi âârîmî. ²Mu diayeta yu magû irirosû âârîgû âârâ. Irasirigu murê ire gojâa. Marîpu âârînîgû, marî Opu Jesucristo murê iritamu, bopoñarî merâ îa, siuñajârî merâ âârîrikumakû iriburo.

Pablo Timoteore: “Masakare Cristoyare wereka!” ârî gojadea

³Yu Marîpûre sêrêrikû, murê gûñâa. Ûmurîkû, ñamîrikû îgûrê: “Ôaa”, ârî, usuyari sî, muya âârîburire sêrêbosanîkôâa. Yu ñekûsâmarâ îgûrê buremuderosûta: “Yu, îgû îûrô waja opabi âârâ”, ârî masîrî merâ yude îgûrê buremua. ⁴Yu, mu pûrogue âârâdi waamakû mu oredeare gûñanîsîâ, murê îadûakoa doja, mu merâ buro usuyadûagu. ⁵Mu Jesûre diayeta buremurîrê gûñâa. Mu îgûrê buremuburi dupuyuro mu ñekô Loida, mûpo Eunicede Jesûre buremupûrorîma. Daporare yu ôârô masîa. Îgûsâ îgûrê buremurî oparosûta mude opâa.

⁶Irasirigu ire murê gûñamakû iridûâa. Iro dupuyuro yaa mojôrî merâ murê yu ñapeomakû, Marîpu îgû turarîre murê sîmî, îgûyare irimasîburo, ârîgû. Daporare îgû murê iridorederosûta îgû turari merâ îgûyare iriwâgânîka! ⁷Marîpu marîrê Ôâgû deyomarîgûrê sîmî. Ôâgû deyomarîgû marîrê gûîmakû irigu meta âârîmî. Marîpûyare îgû turari merâ irirâ, masakare maîrâ, pemasîrî merâ irirâ âârîmakû irigu âârîmî.

⁸Irasirigu marî Opûyare gajerârê weregu, gûyasîrîbirîkôâka! Îgûyare gajerârê yu werede waja peresugue âârîmakû, yure gûyasîrîsâbirîkôâka! Mu Marîpu masakare taurî kerere wererî waja yu irirosû ñerô tarigu: “Ôârokoa”, ârî gûñaka! Marîpu murê turaro sîrôpâ irasîrika! ⁹Marîpu marîrê perebirî peamegue waabonerârê taudi âârîmî. Ôârâ îgûyarâ âârîburo, ârîgû, marîrê siudi âârîmî. “Ôârîrê yâma, irasîrigu îgûsârê siubû”, ârî gûñagû meta siudi âârîmî. Îgû marîrê Jesucristoyarê maîgû i ãmu iriburi dupuyuro: “Îgûsârê taugûra”, ârî gûña, marîrê beyedi âârîmî. ¹⁰Irasirigu Jesucristore marîrê taugure iriugu, îgû marîrê diayeta maîrîrê masîmakû iridi âârîmî. Jesucristo marîrê îgûrê buremurârê perebirî peamegue waamurâ âârîmakû neô iribiridi âârîmî. Îgû marîrê taurî kerere weredeare buremurî merâ marîrê Marîpu pûro îgû merâ âârînîburire masîmakû iridi âârîmî.

¹¹Marîpu yure iri kerere weredoregu beyedi âârîmî judîo masaka âârîmerârê Jesucristoyare buedoregu. ¹²Irire buerî waja yu buro ñerô taria. Ñerô tarikeregu, Jesûre yu gûñaturarî merâ buremugûrê masîa. Irasirigu peresugue âârîkeregû, gûyasîrîrô marîrô âârîkôâa. Jesûta turagu, yure îgûyare buedoregu pîdi, yure ôârô koregu âârîmî. Irasirigu dupaturî aarîgû, îgû yure buedoredea merâ: “Âsû irigûra”, ârîdeare iriyuwarîkugukumi. Irire masîa.

¹³Yu murê diayema buedeare: “Âsû iriro gâamea yure”, ârî, Jesûre buremurî merâ, gajerârê maîrî merâ irinîkôâka! Marî Jesûyarâ âârîsîâ, irasîrimasîa.

¹⁴Ôâgû deyomarîgû marîguere âârîgû

iritamurī merā Marīpū murē ĩgūya kerere weredoredeare gorawayuro marīrō wereka!

¹⁵Mu masīsiaa. Yu peresugue āārīmakū ĩārā, āārīpererā Asia nikū marā Jesúre bñremurā yure béowāgāpereakōāma. ĩgūsā watope āārīnerāde Figelo, Hermógenesāde béowāgākōāma.

¹⁶Onesíforo gapū irasiribirimi. Marī Opū ĩgūya wii marārē bopoñarī merā ĩāburo. Wári Onesíforo yure gññaturamakū ĩāri. Yu peresugue āārīmakū ĩāgū, yure gñyāsīrīsābirimi. ¹⁷Irasirigū Romague ejagu, yure āmaníkōādi āārīmī. Yure bokagūgue āmuduūmi. ¹⁸Marī Opū dupaturī aarigū, ĩgūrē bopoñarī merā ĩāburo. Efesoguedere ĩgū marīrē iritamudeare mu oārō masīsiaa.

**Pablo Timoteore oārō
iridorerimarē gojadea**

2 ¹Mu, Jesucristoyagu diayeta yu magū irirosū āārīgū āārā. Irasirigū Jesucristo iritamurī merā ĩgūrē gññaturarī merā bñremuníkōāka! ²Yu wārā masaka péurogue buemakū mu pédeare Jesucristoyare gññaturarārē bueturiaka! Irasirirā irire gajerārē keoro buemasirākuma.

³Surara ñerō tarikeregu gññaturakumi. ĩgū irirosū mu Jesucristoyagu gajerā ĩgūyarā merā ñerō tarikeregu gññaturaka! ⁴Surara ĩgū opu gāāmerōsū doreri directa irikumi. Surara āārībi moārōsū iribirikumi. Irasirigū mu ĩgū irirosū marī Opū doreri directa irika! ⁵I irirosū ũma birarimasūde gajerā nemorō ũmakeregu, oparā dorerire keoro iribi, ĩgūsā ĩgūrē siboadeare wajatabirikumi. Irasirigū marī Opū dorerire oārō irika, ĩgū oārī siburire wajatabu! ⁶Pooere oārō moāgū ĩgū moādea waja iri pooema oteri dukare opapñorikumi. Irasirigū ĩgū irirosū marī Opūyare oārō moāgū, gajerārē ĩgūyare bueri waja ĩgū murē sīrīrē opagukoa. ⁷Yu wererire oārō gññaka! Mu irasirimakū, marī Opū i āārīpererire masīmakū irigukumi.

⁸Jesucristore gññaka! ĩgū, opu David parāmi āārīturiagu āārīmī.

ĩgūta boadigue masādi āārīmī marīrē peamegue waabonerārē taugu. Iri marīrē tauri kerereta yu werea. ⁹Iri kerere wereri waja ñerō taria. Masaka yure ñerō irigū irirosū kōme dari merā sia, peresugue biadoboma. ĩgūsā yure peresu irikerepñu, Marīpūya kerere āārīpererogue pésúrokoa. ¹⁰Irasirigū yu ñerō tarikeregu, gññaturaníkōā, Marīpū beyenerā ĩgū merā oārō āārīburo, ārīgū. ĩgūsāde marī irirosūta Jesucristoyarā āārīma. Irasirigū, ĩgūsāde peamegue waabirikōāburo, ārīgū, irasū yāa. ¹¹I diayeta āārā:

Marī Jesucristore bñremurī waja gajerā marīrē wējēmakū, ũmugasigue ĩgū merā āārīnīkōārākoa.

¹²Marī ñerō tarikeregū gññaturarī merā marī ĩgūrē bñremurīrē pirimerā, ĩgūyarārē dorerogue ĩgū merā dorerā āārīrākoa. Marī Jesúre masīkererā gajerārē: “ĩgūrē masībea”, ārīmakū, ĩgūde marīrē: “Musārē masībea”, ārīgukumi.

¹³Marī, ĩgū: “Āsū irigura”, ārīdeare bñremubirikerepñu, ĩgū ārīdeare diayeta irigukumi. āārīpereri ĩgū ārīrī, diayeta āārā. Neō ārīgatomasībirikumi.

**Pablo Timoteore keoro
buerimarē gojadea**

¹⁴I yu were gojarire mu buerārē gññānīmakū irika! Marī Opū ĩūrōrē ĩgūsārē turaro merā āsū ārī wereka! Masaka werenīrīrē musā gāme guaseori wajamāa. Irire pérārē diaye gññamerā dujamakū yāa. ¹⁵Mu gapū Marīpū ĩūrō ĩgūya directa buro iriduagu āārīka! ĩgūya diayema kerere pémasīrī merā gajerārē keoro bueka! ĩgū murē: “Oārō yāmi”, ārī ĩāburo, ārīgū, oārō moāgū ĩgū moādeare gñyāsīrīberosū āārību, irasirika! ¹⁶Masaka i ũmuma ubu āārīrī werenīrīrē pébirīkōāka! Irire irasū werenīrā nemorō ñerīrē iriwāgānemorākuma. ¹⁷ĩgūsā bueri, dupure kāmīrō boawāgārō irirosū gajerārē poyanorēa. ĩgūsā watopere Himeneo,

Fileto aaríma. ¹⁸Ígūsá Marípuya diayemare buebema. “Jesúre buremurá boanerá ígūsá dupu merá masá, muríasianerá aaríma, irasirirá i umu peremakú, ígūsá dupaturi masábirikuma”, ári buema. Irasú árirá, suráyeri Jesúre buremuráre ígúya diayema buerire buremuduúmakú yáma. ¹⁹Marípuya werenírí, ígú marírē pídea neó gorawayubea. Wii neó boabiriburi borari merá oáró nádea wii irirosú aarā. Neó perebirikoa. Ású ári gojasúdero aaríbú: “Marí Opu ígúyaráre masími. Áarípererá: ‘Ígúyará aarā’, árirá ñerí iririre pirikōáburo”.

²⁰I keori merá ású ári weregura. Sugu wári opagúya wiiguere wári soropari aaríkkoa. Bosenú aarímakú oro merá irideapari, plata merá irideapari baarogue peokuma. Diari merá irideaparire, o kooáre ubu aarírínurírē peokuma. ²¹Marí oárí pari irirosú aaríduarā, aarípereri ñerírē opamerá aarínfíkōáro gāamea. Irasirirá, marí Opuyará ígú irisúnerá aarísíá, aarípereri ígú iridorerire oáro irirá aarírākkoa.

²²Irasirígu, maamará ñerí uaribejarire iribirikōáka! Diayemare iriníka! Jesúre buremuníka! Masakadere maíka! Gajerá merá oáro aarírikúka! Irasúta aarípererá ñerí opamerá marí Opure sērēnfrá merá aaríka! ²³Pémasímerá ubu aarírírē gāme guaseorire pébirikōáka! Mú masía. Ígūsá irasú gāme guaseo, puru gāme turirākuma. ²⁴Mú, marí Opure moáboegu aarā. Irasirígu gajerá merá gāme turibirikōáka! Ású gapu aaríka! Áarípererá merá oáro aarígú, ígúsārē oáro buegu, bopoñarírē opagu aaríka! ²⁵Gajerá mú buerire gāamebirimakú, ígúsārē buremurí merá oáro wureka! Marípu ígúsārē ígúsá ñerí iririre bujawere, oári gapure gorawayumakú irígukumi, árigú, irasiríka! Irasirirá diayema aarírírē masínugārākuma. ²⁶Irire masírā, pémasírākuma. Wátí ígúsārē ígú gāamerírē iridorerire pirirākuma.

Pablo Timoteore i umu pereburi dupuyuro ñeró waaburire gojadea

3 ¹Ire masíka! I umu pereburi dupuyuro wári ñerí aarirokoa.

²Masaka ású aarírākuma. Ígúsáya aaríburi direta gūnará, niyerure uaribejará: “Gajerá nemoró aarā”, ári werenírā, gajerārē ñeró turirá, Marípure ñeró ári werenírā, pagusámarārē tarinugārā, gajerá ígúsārē síkerepuru: “Ígúsá guare oáro iriabú”, neó ári, usuyari símerá, gopeyari merá Marípuyare buremumerá aarírākuma. ³Gajerārē maírí merá iritamumerá, bopoñarí merá íamerá, ñerí kere wererá, ñerí uaribejarire pirimasímerá, gajerārē ñeró tarimakú irirá, aarípereri oárirē doorá aarírākuma. ⁴Ígúsá merámarārē ígúsārē ñeró iriduaráguere wiará, pémasírí marírō ígúsá noó gāameró irirá, “Masípeorá aarā”, ári gūnará aarírākuma. Marípure gāamerónorē irirá, ígúsá gāameró uaribejarire iri, usuyará aarírākuma. ⁵Masaka iurō Marípure buremurá irirosú irikererá: “Marípu gāamerírē ígú turari meráta irimasía”, ári gūnamerá aarírākuma. “Yu basi irire irimasía”, ári gūnarākuma.

Ígúsánorē neó wapikúbirikōáka! ⁶Ígúsáno ású yáma. Masakaya wiirigüe oáro werenígato, ñajāa, pémasímerá nomerē ígúsá árigatorire pé buremumakú yáma. Ígúsá nome buró ñerírē irirá nome aarísíá, aarípereri ñerí uaribejarire iriduará aaríma. ⁷Gajino buerire bueníkererá, Marípuya diayema gapure neó pémasíbema. ⁸Iripoegue mará Janes, Jambres yéa aarínerá Moisés weredeare péduabiriderosú, ígúsá árigatori merá buerá diayemare neó péduabema. Ñerí direta gūnapasíá, Jesúre buremumerá aaríma. ⁹Irasú aaríkererá, wárá masakare ígúsá árigatori merá buerire pé buremumakú irimasíbirikuma. Moisére péduabirinerá Janes, Jambere waaderosú ígúsádere waarokoa. Irasirirá, ígúsārē árigatorikurá, pémasímerá aarírírē aarípererá íamasírākuma.

Pablo Timoteore doretúnudea

¹⁰Mú gapu yu buedeare oáro iriníkoáa. Yu aarírikurire, yu: “Ású irigura”, ári gūnarírē, Jesúre yu

buremurirê, masakare bopoñarî merâ yu iritamurirê, igûsârê yu maîrîrê, ñerô tarikeregu yu guñaturarire mu masîa. ¹¹Jesucristoyare yu iridea waja masaka yure ñerô irima. Buro ñerô taribu. Yu Antioquiague, Iconiogue, Listrague âârimakû, ââripereri yure waadeare, iri makârî marâ yure ñerô tarimakû irideare mu masîa. Yu ñerô taririkû, marî Opû gapu yure iritamumi. ¹²I diayeta âârâ. Ââripererâ Jesucristoyarâ Marîpu gââmerirê iriniduarânorê gajerâ igûsârê ñerô tarimakû irirâkuma. ¹³Ñerâ, ârigatorikurâ, igûsâ ñerô iridero nemorô ñerô irinemonirâkuma. Gajerârê igûsâ ârigatorire pé buremumakû irirâ, igûsâde gajerâ ârigatorire pé buremurâ âârima.

¹⁴Mu gapu yu murê buedeare irinikôaka! Mu Marîpuhare: “Diayeta âârâ”, âri buremudeare piri ro marîrô buremunikôaka! Mu masîa murê buenerârê. ¹⁵Mu majîgûgueta, Marîpuhare werenîrî gojadeare masîngâyuro. Irasirigu igûyare masîgû: “Marîpu Jesucristore buremurârê taumi, perebiri peamegue waabirikôâburo, ârigû”, âri masîa. ¹⁶Ââripereri Marîpuhare werenîrî gojadea, igû masîrî sirî merâ gojadea âârâ. Iri gojadeare buerâ, diayemarê marî masîa. Marî ñerô irideare: “Ñegorabu”, âri, “Ôârî gapure iri ro gââmea”, âri masîa. Irasirirâ iri pûge gojadeare buerâ, diayemarê irimasîa. ¹⁷Marîpu igûyarârê igûyare ôârô masîdoregu, igûyare werenîrî gojadeare marîrê pídi âârimî, ââripereri ôârîrê irimasîburo, ârigû.

4 ¹Jesucristo ââripererâ Opû i ñmugue dupaturi aarigukumi. Irasû aarigû, masaka okarârê, boanerâdere: “¿Niîsâ waja oparâ, niîsâ gapu waja opamerâ ââriîrî?” âri beyegukumi, waja oparârê wajamoâbu. Irasirigu igû iûrô, Marîpu iûrôdere turaro merâ murê dorea. ²Marîpuhare

kerere masakare igûsâ péduamakû, péduabirimakûdere wereka! Igûsârê igûsâ ñerî irideare masî, piridoregu, iri kerere wereka, ôârî gapure iriburo, ârigû! Buro bopoñarî merâ pémasîma ôârô igûsârê irire bueka! ³Purugue masaka Marîpuhare ôârî buerire péduabirikuma. Irasirirâ igûsâ gââmerirê irirâ, igûsâ péduari direta buemurârê wârâ âmarâkuma. ⁴Marîpuhare diayema ââriîrê béo, masaka igûsâ basi igûsâ guñarî merâ wererire pétyarâkuma. ⁵Mu gapu pémasîrî merâ diayemarê irinikôaka! Ñerô tarikeregu, guñaturaka! Ôârô iriduarî merâ Jesús masakare tauri kerere bueka, peamegue waabirikôâburo, ârigû! Marîpu hare moâdoredeare ôârô iri odonúkôaka!

⁶Yu Marîpuhare iridea waja okanemosûbirikoa, yu boaburo mérô duyâa, âri péñâa. ⁷Yu Jesucristo yure buedoregu pídeare ôârô bueyuwarikûbu. Igû yure iridorerire ôârô iri odonûbu. Ñerô tarikeregu, igûrê buremurirê neô piri bîribîbu. ⁸Irasirigu dapora yu diayema iridea waja marî Opû yure yu wajatadeare siburire usuyari merâ yûa. Igûta diayemarê irigu masakare: “¿Niîsâ waja oparâ, niîsâ gapu waja opamerâ ââriîrî?” âri beyerigu âârimakû, yu wajatadeare sigukumi⁴. Yu direta sibirikumi. Ââripererâ igû aariburire buro iâduari merâ, igûrê maîrî merâ yûrârê irire sigukumi.

Pablo Timoteore iridorenemodea

⁹Mu aarirô bokatîurô yure iâgû aarika! ¹⁰Demas i ñmumarê gââmesîâ, yure béo, Tesalónicague waakôâmi. Crescente Galacia nikûgue, Titode Dalmaciague marî Opûyare buerâ waama. ¹¹Lucas dita yu merâ âârimî. Irasirigu Marcure âma, igûrê âirika! Igû yure iritamugukumi, marî Opûyare ôârô moâburo, ârigû. ¹²Yu Tíquicore

⁴ 4.8 Sugu ñma birarimasû gajirâ nemorô ôârô ñmagû, olivo wâikudima pûrî merâ iridea berore wajatakumi. Masaka iri berore igûyare dipurugue peokuma, gajerârê igû wajatadeare ñmumarâ. I irirosî, sugu Jesúsre buremugû igû diayema iridea waja ñmugasigue perebiri okari wajatagukumi. Iri ñmugasigue perebiri okari wajatari, i berore wajatari irirosû âârâ.

Efesogue iriubu. ¹³Mu òògue aarigú, yu weka sãnarí surírore, Troas wãikuri makã Carpoya wiigúe yu pídeañerē āirika! Yaa papera tūrūrírē āirika! Waimərāya gasiri merā iridea tūrūrídere buro gāamea. Irasirigu iridere āirika!

¹⁴Alejandro kóme merā moārīmasū yure ñetariro irimi. Īgū yure irasiridea waja marī Opu Īgūrē wajamoogukumi. ¹⁵Īgū marī buerire neō gāamebirigorami. Irasirigu Īgūrē pémasíka!

¹⁶Oparā yure peresugue biadoborā yu irideare sērēñapurorimakū, neō sugu yure iritamubirimi. Āārīpererā yure béowāgāperekōāma. Marīpu Īgūsā yure irasirideare kātiburo. ¹⁷Īgūsā yure béowāgākerepəu, marī Opu yure iritamumi. Yure turari sími, Īgū masakare tauri kerere òārō wereburo, ārīgū. Āārīpererā judfo masaka āārīmerā iri kerere péburo, ārīgū, irasirimi. Ēokaye yure baabéobodire tariweremakū irirosū ñegū yure

wējébéobodire tariweremakū irimi.

¹⁸Irasū āārīmakū, āārīpereri ñerā yure ñerō iriburire yure tariweremakū irigukumi. Ūmugasigúe Īgūyarārē dorerogue waaburo, ārīgū, yure òārō koregukumi. Marī Opure: “Ōātarigū, turatarigū āārā”, ārī, usuyari sīnikōārā! Irasūta irirā!

Pablo òādoretūnudea

¹⁹Priscila, igo marāpu Aquila,

Onesíforoya wii marāde òāburo. ²⁰Erasto Corintogue dujami. Trófimo pūrīrikwakōāmi. Irasirigu Miletogue Īgūrē píbu. ²¹Mu puibu dupuyuro aaripurumuka! Eubulo, Pudente, Lino, Claudia, āārīpererā marīyarā mūrē òādorema.

²²Marī Opu Jesucristo mu merā āārīburo. Marīpu āārīpererārē musārē òārō iritamuburo. Irasūta irinikōāburo.

Iropāta āārā.

Pablo